

Թաւրէզ և գրաւեց Ջահանշահի և նորա տիկնոջ սիրտը, որոնք շատ սիրով ընդունեցին նորան և պարգև տուին «ղԱջ Լուսաւորչին ... և զպատիւ պատրիարքութեան:» Ինչպէս ընկաւ Ս. Աջը Թաւրէզ Ջահանշահի մօտ, որ նա կարողացաւ պարգևել Ջաքարիային, յայտնի չէ, չենք կարող մտածել, թէ այդ պարգևելը նշանակում է Ս. Աջի իրաւունքը տալ, որովհետեւ մի այլ յիշատակարանում նշանակուած է, թէ Ջաքարիան եկաւ Ս. Էջմիածին, իրեն հետ բերելով Ս. Աջը: Նա երկար ժամանակ չմնաց Մայր Աթոռում, այլ թշնամիների նենդութիւնից զերծ մնալու համար 1461 թուին Ս. Աջն առաւ և գնաց Աղթամար: Այն ժամանակները մեր երկրի մէջ քրիստոնեաներն այնքան ծնշուած էին և այնպիսի հալածանքի և երկիւղի մէջ էին շարունակ, որ նոցա աչքին ամէն տեղ, կարծես, աստուածային այցելութիւն և մի առանձին բախտ էր երևում Ջաքարիայի արձակ համարձակ շրջելը եկեղեցական հանդէսներով, երբ Վանայ ժողովուրդը լսեց թէ կաթողիկոսն իւր հետ բերել է Ս. Աջը, բազմութեամբ դիմեցին ուխտ անելու և համբուրելու:

Բայազիդից սկսած մինչև Վան և մինչև Աղթամար Ս. Աջը տանելու ժամանակ կաթողիկոսը թափօր էր կազմում, որի առջևից գնում էր «խաչաւամբ» (խաչադրօշ), սա մի խաչվառ էր մէկ երեսը տէրունական, միւս երեսը Ս. Լուսաւորչի, Տըր-